

საკრებულოს ეკონომიკური განვითარების,  
საინვესტიციო პოლიტიკის და საერთაშორისო ურთიერთობების  
კომისიის სხდომის

ოქმი #38

2020 წელი 14 ივლისი 12 საათი

ქ.თბილისი, თავისუფლების მოედანი #2

სხდომას ესწრებოდნენ კომისიის წევრები:

ლ.დარახველიძე, ნ.რუხაძე,  
ლ. არველაძე, ა.ხუჯაძე,  
ქ.ჯობაძე ო.გრიგოლია

სხდომას ესწრებოდნენ აგრეთვე:

ქ.თბილისის მუნიციპალიტეტის საკრებულოს ქონების მართვისა და  
საფინანსო-საბიუჯეტო, სარევიზიო კომისიის წევრები

ქ.თბილისის მუნიციპალიტეტის მერიის საფინანსო საქალაქო სამსახურის  
უფროსი გაიოზ თალაკვაძე, საქალაქო სამსახურის უფროსები, რაიონის გამგებლები.

სხდომას თავმჯდომარეობდა:

კომისიის თავმჯდომარე

ნინო ლაცაბიძე

სხდომის თავმჯდომარე ნ.ლაცაბიძე მიესალმა დამსწრე საზოგადოებას და  
სხდომა გახსნილად გამოაცხადა.

კომისიის წევრთა მიერ მოწონებული იქნა და ერთხმად დამტკიცდა სხდომის  
დღის წესრიგი

## სხდომის დღის წესრიგი

1. "ქალაქ თბილისის მუნიციპალიტეტის 2020 წლის ბიუჯეტის დამტკიცების შესახებ" ქალაქ თბილისის მუნიციპალიტეტის საკრებულოს 2019 წლის 27 დეკემბრის №51-104 დადგენილებაში ცვლილების შეტანის შესახებ (საკრებულოს №12-0320192123-03 10.07.2020)

### მოისმინეს:

ქ.თბილისის მუნიციპალიტეტის მერიის საფინანსო საქალაქო სამსახურის უფროსმა გაიოზ თალაკვაძემ ისაუბრა ქალაქ თბილისის მუნიციპალიტეტის 2020 წლის ბიუჯეტის ცვლილებების შესახებ. მან აღნიშნა, რომ ახალი კორონა ვირუსით (COVID-19) გამოწვეული პანდემიის გამო ქვეყანაში შექმნილი ეკონომიკური მდგომარეობიდან გამომდინარე, დაზუსტდა ბიუჯეტით გათვალისწინებული პროგრამების/ქვეპროგრამების ასიგნებების ფარგლებში განსახორციელებელი პროექტები და ღონისძიებები. ასევე წლის ბოლომდე მისაღები შემოსავლების ოდენობა.

ფინანსთა სამინისტროდან 15 ივნისს მიღებული წერილის გათვალისწინებით, მუნიციპალიტეტებისათვის საგადასახადო შემოსავლებში მოსალოდნელია დანაკლისი. შესაბამისად, საგადასახადო შემოსავლების საორიენტაციო საპროგნოზო მაჩვენებელი თბილისისთვის შემცირდა 95 570,5 ათასი ლარით (მათ შორის: ქონების გადასახადი - 25 000,0 ათასი ლარი და დამატებული ღირებულების გადასახადი - 70 570,5 ათასი ლარი). ასევე, მცირდება სახელმწიფო ბიუჯეტით თბილისის მუნიციპალიტეტისთვის გათვალისწინებული სპეციალური ტრანსფერი 35 000,0 ათასი ლარით.

2020 წელს ფაქტიურად მიღებული შემოსავლებისა და შემოსულობების სხვა წყაროების პროგნოზების გათვალისწინებით, მცირდება სათამაშო ბიზნესის მოსაკრებელი - 17 500,0 ათასი ლარით, მოსაკრებელი დასახლებული ტერიტორიის დასუფთავებისათვის - 2 000,0 ათასი ლარით, შემოსავალი შენობებისა და ნაგებობების იჯარაში ან მართვაში (უზურფრუქტი ქირავნობა და სხვა) გადაცემიდან - 1 462,0 ათასი

ლარით, სანქციები (ჯარიმები და საურავები) – 8 000,0 ათასი ლარით. ამასთან, იზრდება გრანტები თვითმმართველი ერთეულის სსიპ(ებ)-დან/ა(ა)იპ(ებ)-დან (ქონების მართვის სააგენტოს სახსრები) - 3 000,0 ათასი ლარით, პროცენტები - 9 000,0 ათასი ლარით, შემოსულობა არაწარმოებული აქტივების (მიწის) გაყიდვიდან - 8 000,0 ათასი ლარით. ასევე, წარმოდგენილ პროექტში ასახულია 2020 წლის 1 იანვრისათვის ქალაქ თბილისის მუნიციპალიტეტის ბიუჯეტის ანგარიშებზე არსებული ნაშთების გამოყენება 2 200,0 ათასი ლარის ოდენობით. შესაბამისად, ბიუჯეტის მოცულობა მცირდება სულ 137 332,5 ათასი ლარით და შეადგენს 1 101 648,1 ათას ლარს.

გარდა ამისა, დაემატა შემდეგი ახალი პროგრამა/ქვეპროგრამა: მეტროს სადგურების მშენებლობა, რეკონსტრუქცია (კოდი 01 02 03) – 2 000,0 ათასი ლარი, წყალმომარაგების სისტემის მოწესრიგება სამგორის რაიონში (კოდი 06 02 20 04) – 5,0 ათასი ლარი, თბილისის ავტობუსების პროექტის სესხის მომსახურების II ფაზა (კოდი 10 47) – 1 025,0 ათასი ლარი, თბილისის მეტროს პროექტის სესხის მომსახურება (კოდი 10 48) – 675,0 ათასი ლარი.

ასევე, სსიპ ქალაქ თბილისის მუნიციპალიტეტის ურბანული განვითარების სამსახურის და სსიპ ქალაქ თბილისის მუნიციპალიტეტის ტრანსპორტის განვითარების სააგენტოს შერწყმასთან დაკავშირებით (ქალაქ თბილისის მუნიციპალიტეტის 2020 წლის 10 ივნისის №20.605.758 განკარგულება), დაზუსტდა სსიპ ქალაქ თბილისის მუნიციპალიტეტის ტრანსპორტისა და ურბანული განვითარების სააგენტოს (კოდი 10 18) პროგრამის სახელწოდება და მომუშავეთა რიცხოვნობა. კერძოდ, გაიზარდა სსიპ ქალაქ თბილისის მუნიციპალიტეტის ტრანსპორტისა და ურბანული განვითარების სააგენტოს მომუშავეთა რიცხოვნობა 54 ერთეულით და განისაზღვრა 135 ერთეულით, ხოლო სსიპ ქალაქ თბილისის მუნიციპალიტეტის ურბანული განვითარების სამსახურის მომუშავეთა რიცხოვნობა შემცირდა 56 ერთეულით.

სახელმწიფო ბიუჯეტიდან მისაღები სპეციალური ტრანსფერის შემცირების გათვალისწინებით, წარმოდგენილ პროექტში დაზუსტებულია სპეციალური

ტრანსფერის ფარგლებში დასაფინანსებელი ღონისძიებები შემდეგ პროგრამასა და ქვეპროგრამაში: საქალაქო სამგზავრო ტრანსპორტის მოძრავი შემადგენლობის მოდერნიზაცია (კოდი 01 02 02), ქალაქის განვითარების ხელშეწყობა (კოდი 02 10), დასუფთავების ღონისძიებები (კოდი 03 02). ასევე, ასახულია სსიპ ქალაქ თბილისის მუნიციპალიტეტის ურბანული განვითარების სამსახურის (კოდი 10 19) პროგრამის ფარგლებში ასიგნებების გადანაწილებები.

**აზრი გამოთქვას:**

ნ.ლაცაბიძემ, ო.გრიგოლიამ, ა.ხუჯაძემ, ნ.რუხაძემ.


გაიოზ თალაკვაძემ, რაიონის გამგებლებმა ამომწურავი პასუხები გასცეს ყველა დასმულ შეკითხვას.

**დაადგინეს:**

ქალაქ თბილისის მუნიციპალიტეტის საკრებულოს ეკონომიკური განვითარების, საინვესტიციო პოლიტიკის და საერთაშორისო ურთიერთობების კომისიის მიერ ქ.თბილისის 2020 წლის ბიუჯეტის ცვლილების პროექტი დადებითად იქნა შეფასებული და მიზანშეწონილად მიაჩნია აღნიშნული პროექტი განხილულ იქნას ქ.თბილისის მუნიციპალიტეტის საკრებულოს უახლოეს სხდომაზე.

ნ.ლაცაბიძემ სხდომა დახურულად გამოაცხადა

სხდომის თავმჯდომარე



ნ.ლაცაბიძე